

На утрени:

На Бог Господь: тропарь праздника глас 4:

Днесь спасения нашего главїзна,/ и еже от века таинства явлєние:/
Сын Божий Сын Девы бывает,/ и Гавриїл благодать
благовествует,/ темже и мы с ним Богородице возопїим:/ Радуйся,
Благодатная, // Господь с Тобюю. **Трижды.**

Величание:

Архангельский глас вопием Ти. Чистая: Радуйся, Благодатная – Господь,
Господь с Тобюю.

Избранный псалом:

Боже, суд Твой Царєви даждь/ и правду твою Сыну Царєву,/ судїти людем
Твоим в правде/ и нищим Твоим в суде./ **Судит** нищим людским и спасет
сыны убогих./ **Благовестите** день от дне спасение Бога нашего,/ **Господь** даст
глагол благовествующим силою многою./ **КлятсЯ** Господь Давиду истинною и
не отвержется ея./ **От** плода чрева Твоего посажду на престоле Твоём./
Снидет, яко дождь на руно, и яко капля, каплющая на землю./ **И** приклони
Небеса, и сниде, и мрак под ногами Его./ **Яко** избрА Господь Сиона, изволи
его в жилище Себе./ **Освятїл** есть селение Свое Вышний./ **Бог** посреде его, и
не подвижится./ **Пощадит** нища и убога и души убогих спасет./ **Вси** языцы
поработают Ему./ **Весь** день благословят Его./ **Будет** утвержение на земли, на
версех гор./ **Будет** Имя Его благословено во веки./ **И** благословятся в Нем
вся колена земная./ **Благословен** Господь Бог Израїлев, творяй чудеса
Един./ **И** благословено Имя славы Его в век и в век века./ **И** исполнится
славы Его вся земля, буди, буди.

Слава, и ныне. Аллилуия: **Трижды. Таже** степенна, 1-й антифон 4го гласа.

Прокимен, глас 4: Благовестите день от дне спасения Бога нашего.

Стих: Воспойте Господеви песнь нову, воспойте Господеви, вся земля.

Всякое дыхание: Евангелие от Луки, зачало 4.

По 50-м псалме стихира, глас 2. Самогласна:

Благовестует Гавриил Благодатней днесь:/ Радуйся, Невестная Мати, и
Неискусобрачная,/ не удивляйся странному моему зраку,/ не ужасайся,
Архангел бо есмь./ Змий прельсти Еву иногда:/ ныне же благовествую Тебе
радость,/ и пребудеши нетленна, // и родиши Господа, Пречистая.